



Қаңтар, ақпан айларында дүние есігін ашқан Түркі халықтары мәдени қорының белді мүшелері Жақсыгүл Қалжанова, Күләйма Әбдікәрімова, Жұлдыз Ноғайбаева, Жанна Тохтабаеваны туған күндерімен шын жүректен құттықтаймыз!

Сіздерге таза көңілімізден шыққан ізгі ниеттерімізді білдіре отырып, бақытты да баянды ғұмыр, жемісті де жеңісті күндер, қажымас қажыр-қайрат, талмас талап-жігер тілейміз. Әрқашанда дендеріңіз сау, көңілдеріңіз жайдары, отбасыларыңыз аман, берекелі болсын!

**Ізгі тілекпен,
Түркі халықтары мәдени қоры
және «Түркі әлемі»
газетінің ұжымы**

Асыл адам, асыл анам

Бұл жазбам біраз адамның жүрегін жібітері анық. Себебі бұл мақала аналарға арналмақ. «Ана» осы үш әріпте небір күдірет жатқан жоқ па?! Бізді қайда жүрсек те үнемі жадында ұстайтын, үнемі тілеуімізді тілейтін асыл адамдар емес пе?!

«Ана» бұл қасиетті ұғым, қолына қалам алмас адамды да жазғызады емес пе?! Қара шаңырақ Қазақ Ұлттық университетіміздің факультеттері ғана емес, факультет ішіндегі әрбір курс студенттері бұл тақырыпта кем дегенде бір кеш өткізді десек артық айтқанымыз болмас. Ендеше, біз де өз ойымызды ортаға салсақ.

*Шет жүрсем сағынарым,
Жабықсам шағынарым.*

Анашым бір өзіңсің, табынарым!

Бұл «Анашым» өнінің бір шумағы, қандай керемет сөздер, азда болса мағынасы терең. Біздің көңіліміз де осылай емес пе?! Қайда жүрсек те, бізді ойлап, уайымдап, тіпті, ауырып қалсаң сезіп қоятын, міне, осы жандар екен. Осыған байланысты мен біздің бір тұлектің басынан өткен бір жағдайды айта кетейін.

«Мектеп аяқтауға бір жыл қалған уақыт, яғни оныншы сыныптың жазы. Мен Ұлттық Бірыңғай Тестлеуге дайындаламын деп, үйдегілерден сұранып, қалада қалдым. Өзім жалғыз қалмайын деп, жақын бір досымды анасынан сұрап алып, үйге бір апта жүруін өгіндім. Ол қуана келісті. Сонымен, ол досым келісімен, сыныптастарды жиып, кеш өткізбекке кірісті. Мен ештеңе демедім. Не керек сонымен бәрі тарап қайтты. Соңында біз қалдық. Масайып қалған до-



сым, өзінің ұнатпайтын адамдарына барып күш көрсеткісі келіп, үйден шықты. Мен де бірге бардым. Осылай бұл бір өзі, ал бұның қарсыластары бірнешеу еді. Сонымен, соңында досым жарақат алып, ауруханаға түсті. Өрине, бәрі жан-жаққа тарап кетті. Бір күдікті адам мен болып, мені ішкі істер қызметкерлері алып кетті. Не керек, біраз жағдайлар, сұрақтар болып, әйтеуір, үйге түнде қайттым. Ертеңіне жағдайдың бәрін реттеп үйге қайтамын деп отырғанда, анам қоңырау шалды. Ешқандай оқуға қазір дайындалудың қажеті жоқ, үйге қайт, үйде дайындаласың деді. Сонда түсіндім, ана шіркін баласының қиналған жүрегін бірден сезеді екен-ау деп ойладым. Осыдан кейін ананың бәрін сезіп қоярын, сенің қуанышың, мұңың қайда жүрсенде анаңа белгілі екенін ұқтым», – деп сөзін қорытындылады. Сол үшін аналарымызды құрметтейік, қадірлейік, ұзақ ғұмыр тілеп, бақытына себепкер болып жүрейік дегім келеді. Аналарымыз аман болсын!

Әбубәкір Бекарыс

БІЛІМ АЛЫП, ЕҢБЕК ЕТ, ҰШАМ ДЕСЕҢ АЛЫСҚА

Әл-Фараби атындағы Қазақ Ұлттық университетінің 2015–2016 жылғы түлектері төрт жылдық оқуларын аяқтап, басым бөлігі магистратураға да түсті. Соның ішінде біздің студенттеріміз де баршылық. «Физика» мамандығының қазіргі таңда магистратурасында оқып жүрген Садықов Айдар және Иманқұл Мұсат сынды студенттеріміз, оқумен қоса жұмысты да қатар алып жүрді. Өрине, бұл бір қуантарлық жағдай. Енді Иманқұл Мұсаттың бір әңгімесінде жаңа жұмысы жайындағы ойын білген болатынымын. Біздің қара шаңырақтан шығып, дәл осындай жұмыс жасауы, махаббатпен өз ісіне кірісуі бізге үлкен қуаныш. Соны айта кетсем. Бұлар тұрған мектеп, бұрыннан оқушыларға сапалы білім беріп келе жатқан Талғар қаласындағы түрік лицей-интернаты. Сондағы мектеп директоры Мұсаттың ойында ғажап бір тұлға ретінде қалыптасқаны белгілі. Ол кісі Раджабова Зулфия Исламовна. Бара сала құшағын жайып қарсы алған, ол кісінің Мұсат сөйлеу мәнеріне, адамгершілік бейнесіне жалпы адами болмысына қызыққанын айтып жүреді. Сонымен қоса одан өзге директордың орынбасарлары Сона Вахриевна және Азат Жұмахановна және т.б. ұстаздарына дән риза. Онымен қоса Айдар да сол мектепте 2 жылдай қызмет атқарды. Екеуінің жұмысқа деген махаббаты ондағы барлық адамдарға белгілі. Әр сабаққа тыңғылықты дайындалуы, оқушыларға барын беріп сабақ өтуі, өз бауырындай әр оқушының болашағы үшін алаңдауы бұларға жақын ұғым еді. Өрине, 3 жыл көлемінде жұмыс жасап, одан әрі дамуға, қоғамға ары қарай пайда алып келетін дүниеде өз еңбектерін сіңіруде қос түлегіміз келесі кезеңге аяқ басты.

Қазіргі таңда бұл студенттердің бірі, докторантурада оқып жатса, енді бірі Германияда өз білімін жалғауда. Бізден түлеп ұшқан студенттердің осылай жағымды жаңалықтармен бөліскені бізді қуантады. Бұдан бөлек айтар мысалдар өте көп. Қорыта келе айтпағымыз, ол кісілердің жұмысына табыс, алдағы күндеріне сәттілік тілейміз!

Нәдір Әсем